

կիւնէ, Չուլովանց, Խաւնոց (Հաւնոց)¹,
Չուրմավանց, Խարդ, Խանջուր, Արտուստ,
Արբանիս, Կորնջուր գեղերը :

Կարաղաղ լեռներից իջնում են Լունոս,
Հոնս առուակները, ոռոգում են համանուն
գեղերը եւ խառնւում Ճորոխին ձախից,
Իշրօնոս առուակի դիմաց, որոնք կազմում
են Սպերի եւ Բայրուրդի սահմանները : Բա-
լախոռի խառնունքը Ճորոխին 5800' բար-
ձրութիւն ունի :

Բալախոռի դաշտը 6Լ.—12եր. կիլոմետր
տարածութիւն ունի, իսկ Սենուարի դաշտը
4Լ.—10եր. ունի, որոնք լաւ մշակում են եւ
երկրագործութեան հացահատիկների ցանքի
յարմար խիստ բարեբեր հողեր ունին : Բա-
լախոռը իր դաշտերով, սարալանջերով ա-
ւելի նման է Բարձր-Հայքին եւ Տարուրե-
րանին. ժողովուրդն աւելի հացահատիկ է
մշակում եւ գութան ու սալ տարածուած
են : Ընդհանրապէս ժողովրդի տնտեսականն
ընկած է, բայց Բալախոռի բնակչութիւնն
աւելի լաւ վիճակ ունի քան թէ Հովտիկում :

դացեւ մուացնել տալ ժողովրդին իր նախնական մօր՝
Անահիտի յիշատակարանը :

1 Հաւնոց գեղը ունի ամրոց, աւերակ տաճար, դղեա-
կի հողաթումբն է մնացել եւ նոյն իսկ աչքագարեան քա-
ղաքի պարիսպները : Արդեօք Սարփ-Վայա բարձունքից իջած
ջինջուլ առուակը եւ Հաւնոց գեղը Հաւնունիների կա-
լուածների մասը չեն կազմում : Թէեւ չի կարելի որոշ բան
ասել, բայց անունը շատ հին է, փոփոխման ենթար-
կուած չէ :